



Reglement da salarisaziun per la vischnaunca Lumnezia

Cuntegn

| | | |
|-------------|--------------------------------------------------|----------|
| I. | Determinaziuns generalas | 3 |
| Art. 1 | Intent | 3 |
| Art. 2 | Dretg subsidiar | 3 |
| Art. 3 | Equalitat dallas schlatteinas | 3 |
| Art. 4 | Assicuranzas e cuosts socials | 3 |
| Art. 5 | Indemnisaziun per sesidas e laver extraordinaria | 3 |
| Art. 6 | Spesas | 3 |
| II. | Determinaziuns specialas | 4 |
| Art. 7 | President communal | 4 |
| Art. 7.1 | Vicepresident communal | 4 |
| Art. 8 | Commembers dalla suprastonza communal | 4 |
| Art. 9 | Ufficials e funcziunaris | 4 |
| Art. 10 | Laver cumina | 4 |
| III. | Determinaziuns finalas | 5 |
| Art. 11 | Quen | 5 |
| Art. 12 | Cass dispiteivels | 5 |
| Art. 13 | Midadas | 5 |
| Art. 14 | Vigur | 5 |

Reglament da salarisaziun per la vischnaunca da Lumnezia

dils 7 da zercladur 2013 (rev. 16-12-2022)

La radunanza communal da Lumnezia,

sebasond sin art. 42 lit. e dalla Constituziun dalla vischnaunca Lumnezia dils 23 da settember 2012 (stan dils 24-11-2019),

concluda:

I. Determinaziuns generalas

Art. 1 Intent

Il present reglament da salarisaziun normescha l'indemnisaziun d'officials, funcziunaris e commembers da cumissiuns communalas, nun che prescripziuns specialas ni contracts stipuleschan enzatgei auter.

Art. 2 Dretg subsidiar

Aschinavon che quest reglament stipulescha nuot auter valan subsidiaramein la legislaziun da personal e las prescripziuns dall'ordinaziun davart la salarisaziun dallas persunas d'instrucziun dil cantun Grischun.

Art. 3 Equalitat dallas schlatteinas

Las indicaziuns da persunas, funcziuns ufficialas ed indicaziuns professiunalas en quest reglament sereferechan sin omisduas schlatteinas.

Art. 4 Assicuranzas e cuosts socials

¹ Duront il temps da laver per la vischnaunca ein ils officials e funcziunaris assicurai entras la vischnaunca encunter accidents e responsabludad.

² Da mintga indemnisiun ad ina persuna privata vegn deducida sia cumpart allas assicuranzas dil provediment public (assicuranzas socialas per vegls, survivents ed invalids, prestaziuns supplementaras, disoccupai, indemnisiun per perdita da gudogn / maternitad) sco era dil provediment professiunal (assicuranza da pensiun ed accident), aschilunsch ch'ei dat in'obligaziun da pagar contribuziuns. La vischnaunca presta la cumpart sco patruna e renda quen allas cassas dallas assicuranzas socialas.

³ Subsidiaramein valan las prescripziuns dallas assicuranzas socialas.

Art. 5 Indemnisaziun per sesidas e laver extraordinaria

¹ Sesidas, uatgas etc. vegnan pagadas tenor il temps impundiu, nun ch'ellas vegnan indemnisisadas cun ina pauschala ni dad autra vart. Parts dad uras laver vegnan remuneradas en proporziun dil temps impundiu cun la salarisaziun per ura. Il viadi al plaz da laver, respectivamein al liug da sesida ni uatga vegn quintaus sco temps da laver, sche quel sesanfla ordeifer la vischnaunca.

² Laver extraordinaria ei laver che vegn prestada sin incarica speciala d'organs e cumissiuns communalas.

³ Sesidas, uatgas ed autra laver extraordinaria che vegn prestada dad autoritads, funcziunaris e cumissiuns per la vischnaunca vegn per regla remunerada cun CHF 50 per ura.

Art. 6 Spesas

¹ Spesas vegnan indemnisisadas mo leu, nua che quellas ein buca gia indemnisisadas entras ina pauschala globala ni dad otras varts.

² Per viadis cun ils mieds publics vegnan ils cuosts effectivs da secunda classa indemnisi. Viadis fatgs cun auto privat vegnan indemnisi per km tenor reglementaziun cantunala mintgamai vertenta.

³ Per l'indemnisaziun da dunsena e loschament valan las prescripziuns cantunala mintgamai vertentas.

⁴ Telefons, portos etc. vegnan indemnisi tenor cuosts effectivs.

II. Determinaziuns specialas

Art. 7 President communal

¹ Il president communal vegn engaschaus en plazza parziale da circa 50%.

² El obtegn in'indemnisaziun pauschala da CHF 62'500 ad onn per tutta lavour ch'el presta.

³ Tuttas spesas vegnan indemnisisadas globalmein cun ina pauschala annuala da CHF 5'000.

Art. 7.1 Vicepresident

¹ Il vicepresident communal vegn indemnisaus cun la pauschala annuala da CHF 3'000 per incumbensas ch'el suprprenda en substituziun dil president communal.

Art. 8 Commembers dalla suprastanza communal¹

¹ Ils ulteriurs commembers dalla suprastanza communal obtegnan in'indemnisaziun pauschala da CHF 7'500 ad onn per sesidas da suprastanza, radunonzas communalas e la preparaziun da talas sco era per l'administraziun dil departament.

² Per l'ulteriura lavour sco era per la substituziun d'in departament vegnan els indemnisi supplementarmein tenor art. 5 da quest reglament.

³ Las spesas per tuttas funcziuns e per tuts uffecis, ch'ils commembers dalla suprastanza communal preandan part, vegnan indemnisisadas globalmein cun ina pauschala annuala da CHF 1'500.

Art. 9 Ufficials e funcziunaris

¹ Ei vegn fixau sequentas pauschalas per las lavurs generalas dils singuls ufficials e funcziunaris.

a. Cussegl da scola:

| | |
|------------|-----------|
| Parsura | CHF 2'000 |
| Commembers | CHF 500 |

b. Cumissiun da gestiun:

| | |
|------------|-----------|
| Parsura | CHF 1'000 |
| Commembers | CHF 500 |

c. Cumissiun da baghegiar:

| | |
|------------|-----------|
| Parsura | CHF 1'000 |
| Commembers | CHF 500 |

² Quellas pauschalas vegnan pagadas, sch'il parsura ni il commember ei buca identics cul cau dil departament communal. Sesidas e lavour extraordinaria vegnan indemnisisadas tenor art. 5 da quest reglament.

³ Ulteriurs ufficials e funcziunaris vegnan indemnisi tenor las determinaziuns en ils art. 5 e 6 da quest reglament.

Art. 10 Lavour cumina

Lavour cumina vegn ordinada dalla suprastanza communal ed indemnisa cun CHF 30 per ura.

¹ revediu tenor conclus dalla radunanza communal Lumnezia dils 16-12-2022

III. Determinaziuns finalas

Art. 11 Quen

¹ Per tutta lavur extraordinaria e per tuttas spesas ei da presentar in quen cun indicar cuortamein la lavur prestada.

² Il quen vegn controllaus e visaus dil cau dil departementum competent, dil parsura dalla cumissiun pertuccada ni dil president communal.

Art. 12 Cass disputeiveis

En cass disputeiveis decida la cumissiun da gestiun davart l'indemnisaziun per lavurs supplementaras dils departements communals ed auters ufficials e funcziunar.

Art. 13 Midadas

La cumissiun da gestiun ha d'examinar quest reglament silmeins mintga 2 onns e ha da far eventualas propostas per midadas ed alzaments da pagas ed indemnisiuns alla radunanza communal.

Art. 14 Vigur

Quest reglament va en vigur retroactivamein cun igl 1. da schaner 2023.

Approbau dalla radunanza communal Lumnezia ils 7 da zercladur 2013 e revediu entras la radunanza communal Lumnezia ils 16 da december 2022.

Il president communal

Daniel Solèr



la canzlista communal

Silvana Caviezel